

馬關縣志

惺庵題簽

卷陸

人物

馬關縣志

周鍾嶽題



馬關縣志卷之陸

人物志

縣長張自明輯

天下無不被之雨露世間有遍產之人才孔子曰十室之邑必有忠信誠以聖賢豪傑之降生忠孝節義之挺出蓋視乎風尚之美惡教育之淺深為轉移耳馬關僻處邊陲進化雖遲而人才則代有產生足資紀錄而作模範者迄今民國統一日以興學校革風俗為急務將見城市鄉村英才濟濟深山窮谷俊傑盈盈矣邦人其拭目俟之志人物

馬關縣志

卷陸

人物志

一

雲南德生石印局印

鄉賢

文學

卓行

慈善

孝友

耆年

附壽婦

節孝

附貞烈殉義婦女

忠烈

仕宦

文職武職

選舉  
畢業

馬關縣志

卷陸

人物志

二

雲南德生石印局印

鄉賢 人物志之一

明

龍上登舊志僅載文學前經公議宜祠鄉賢計有七人上登乃宋時海基二十五代孫當仁宗皇祐元年廣南儂智高梗命元帥狄青征進以海基為鄉導屢著功績遂得任長官司管阿雅地即今八寨是也時維摩六詔朶那白謹耳大小教化王弄安南牛羊新現等處皆為所轄終宋及元明上下幾五百年傳至上登性嗜學穎悟警敏萬曆四十四年登父勝安今登赴京受職登至京徧訪名宿歸而學

馬關縣志

卷陸

人物志

三

雲南德生石印局印

問大進時沙定洲父沙源與登聯姻覘交岡武氏兵勢甚盛屢為邊患約登黨附登厲聲叱去之舊志既載其事如此大節實有關於風教豈但文學已也

李淑世字樂天別號龍河孝友性成外和而中介乾隆六年辛酉拔貢赴廷試選教習留京十年學業精進中順天癸酉科鄉試由教習銓授江西泰和令公慎廉明百廢俱舉泰和素稱文墨之邦俗多健訟期年無畏憚愛民如子口載碑道稱為神君以為真父母也曾以內艱歸毀脊骨立既葬廬尋亦殂未竟厥用鄉人至今惜馬

文學 人物志之二

清

張開文號寅階逢春古物人道光乙酉拔貢品端學粹博覽  
典籍詩詞歌賦冠絕一時鄉試屢薦未售陳學院聘以衡  
文歷魯晉吳楚歸來年週花甲淡於仕進壽至八旬矍鑠  
弗衰著有滇中十不平見藝文志

周光煦仁和街人宣統己酉科拔貢赴日本遊學歸來充省  
會鐵道學堂教員循循善誘栽成甚多

許文郡永平鄉烏木村人道光年間歲貢生博古通經大有

馬關縣志

卷陸

人物志

四

雲南德生石印局印

名士之風

蔡興東中區箐口人嘉慶補入增生純靜無華下帷三載目  
不窺園人皆以董子目之其文學頗著當時

李炳文沙尾沖人入邑庠青年奮志皓首窮經胸羅子史學  
通古今一生教讀終老滿門桃李芬芳文學之士多出其  
門亦循循善誘之師也

盧廷標號蘭亭字相君別格厚載人清邑庠生學術宏通品  
行雅正數十年誨人不倦從學者實繁有徒成名者甚多  
享七十五壽

盧廷佐號潭南字舉伊光緒歲貢生厚載人教讀有法樂育人才宗族子弟受益良多開屬之負笈從學成名者亦復不少洵足為一時後進之津梁馬受學蘭亭壽七十七歲唐世楷字揆百唐家坡人邑文庠博學多文生乎著述甚富惜未整理成集多歸散失屢試不中遂無意進取閒居無聊恆設館授徒吾邑文士半出其門其樂育英才又如此晚年精岐黃以救人為務病痊若謝以金則掉頭不顧復習堪輿入其堂奧其行詣人皆樂道縣志初稿乃其手所纂也

宋興榮郡庠生古木山車人幼聰敏性純靜授學不倦遠近慕之及門從學者衆咸同兵燹避居開城教讀陳昌齡亦得其薪傳後至庚午鄉試獲選

盧一善字靈谷八寨人邑庠生工詩善飲廉隅自持不入公門詩對頗多但未成集與唐揆百情投志合編纂縣志初稿二人之力均焉

江礪山阿黑寨人入邑庠性耿介不何教授有方文學宏富縣志續修曾為主任

劉世勳字輔周坡腳街人郡庠生心靈性敏博學能文曾與

江礪山同為續修縣志主任

王 琪前清丙辰歲貢古木人吾邑巨族也家世書香文經武緯官於外者時不乏人公性清潔正直博通經史不求仕進設帳於教育地方子弟成名者實繁有徒鄉人咸敬仰之年七十二卒於家

陳雲龍字雨蒼古木人清乾隆時邑庠生性剛正治家嚴肅穿衣不戴帽者不敢與見見則必叱責之時地方歸化未久古木將改寨為街賴以初開文化興學塾其弟雲鳳子暄曙皆教成名鄉里子弟受其教而成名者甚多倡建古

木之文昌宮壽佛寺並各寺廟廣置田產名振一時妻氏李甚賢夫婦偕老年享古稀終於家今古木街外山了口標墓存焉

錄開化府志

卓行 人物志之三

清

顏間邦號治樓入邑庠八寨人家貧好學品高誼正久戰棘  
闡布衣終老咸謂其安貧知命之士

黃鶴齡中區別格街人邑庠生公平正直維持風化又工詩  
善畫名重當時

楊昌選八寨人耿直成性忠厚居心自幼貧苦目不識丁未  
曾履聖賢之堂及長經商家小有恍若得富強之術咸豐  
丙辰年滇中逆回倡亂擾攘三迤八月朔日開西山回民

馬關縣志

卷陸

人物志

七

雲南德生石印局印

沙美馬登遍樹白旗聚眾反叛圍攻開化四十餘日一城  
驚懼八里震恐昌選曰擊時艱效鬪子文毀家紓難傳派  
民社推袁金發帶領赴援會合三里鄉兵自備糧秣攻退  
賊匪城圍始解皆昌選之力也

余知言號覺先別格街人隴庠生沉靜好學博覽經史言行  
不苟可坊可表

唐文光字映斗唐家坡人入邑庠倡立別格至聖廟辦理聖  
會克勤敬慎無偏無私別格文風較甚文光之功也

張金鑑邑中歲貢生篤志於學敦行古道立身處世不事阿

諛惟以清潔自勵

袁春和西區馬主寨人入邑庠天性警敏遇事果斷持己不愛奢華出言不憚煩勞惟以排難解紛為心

李世榮號衡山本關人歲貢生天資明敏博觀書史少有膽識見義勇為自遭丙辰兵燹之後出謀防堵定計征勦保全合邑里黨之人莫不稱其膽壯識奇高出尋常也

胡玉堂字翰府馬關縣人入邑庠好古敏求博覽群書實有不矜不詐之概

周光鼎馬關附貢生中區白石崖住頻年辦公勞績素著盡

心竭力保全梓里先為合邑之望

周跡義號耀南住仁和街自逆回叛亂赴開城解圍歷辦地方公益保全桑梓卓著勲勞庚午省考入邑庠

趙宣榮號鏡堂縣城人天性篤厚倜儻不羣咸豐初回人倡亂開城危在旦夕隨即赴開救援歸來竭力戰守所以克保梓里完全無恙皆公之備邊得宜防堵維嚴也其功不誠偉哉岑勳勤公給予五品藍翎同知銜

劉騰桂號鰲山例職奉政大夫善草書性剛行奇曾告撤苛民之厘金三道未受人民私毫酌報家計為之中落不介

意也有傳在藝文志

周 良古木人秉性慈良凡一切善舉無不竭力提倡每值  
年遇不能炊爨者給以錢米壽逾八旬精神尚健子孫繁  
衍

施文煥仁和街人性慈良好善行雲遊滇黔蜀遍訪善書刊  
印宣講勸世數十年負擔步行年及九旬鶴髮童顏飄飄  
然有神仙之態壽星曾賀以彩綾數次幼子與市中羣兒  
戲被誤擊斃煥曰命也自殮葬不滋訟累此真大德大年  
也

王秉福號九疇中區馬灑人受學蘭亭君通經博史宏育人  
材貌和性直丙辰地方叛亂與郭陽芳盧蘭亭諸君協力  
維持團務鄰境皆得保全

劉昌郡庠生住中區木臘素性方正嘉慶二年儂匪順率眾  
圍其家逼之反昌諭以順逆利害賊不曉以白刃脇之昌  
大罵曰吾恨不能殺賊死有餘恨遂被害賊並戮其全家  
其子英武先逃得免府尹上其事督撫嘉獎之 府志

楊景漢古木街人性至孝事祖父及父母竭力承順初終不  
渝年老尤樂善不倦捐建老虎溝石礮並自開化城至溝

絞石路逐一修補以便行人 府志

郭耀宗大汛坡人性剛直清丙辰之亂漢夷不睦互相燒殺  
人民苦之時郭與子楊芳有勢力倡首說合漢夷無有梗  
者地方因以平靖郭有子五次子楊方最強悍多行不義  
後被安平覃克振票緝聞懼逃匿抑鬱死餘四子均壽六  
七十孫曾數十祥徵五代壽近百年郭猶強健當中年時  
聞某村被火蓬扇業雜處惟一椽茅舍猶存因其口龍後墻  
頭有文昌大洞仙經一部存焉屋不火者神呵護之也郭  
聞異求取經回付梓翻刻印送今板尚存以此功德享壽

馬關縣志

卷陸

人物志

十

雲南德生石印局印

九十六無疾而終

楊朝秀即郭耀宗第五子克盡孝友分爨時兄弟爭論不休  
秀默然隨諸兄給予晚年喜念佛刻有金剛經註解一部  
妻關中車氏女偕老和睦民元氏歿秀猶強健步履不衰  
今八十餘壽始歿

李郭氏住馬扎沖子名正丙辰諸夷叛將攻別格馬白路過  
馬扎沖投宿氏厚待之暗以水灌槍內使藥濕不發令人  
光蜜告兩街領袖預防一夷婦能知大義其卓識有勝於  
鬚眉男子多矣

慈善 人物志之四

清

李相邦字襄臣本城世家也清都司銜性謙和恢諧嗜晏賓樂飲且好施雖處困欣然不介於懷性質不稍改教子有方長選廷官至中將次選青官至少將晚年尤縣善曾倡建茅草寨新礮及南山新窑落卻等處石礮民一四年饑荒捐洋壹仟元辦理救荒會全活饑民不少年將八旬精神不衰大德大實足以當之

王正雲字欽鑫古木街人性爽直好善慷慨輸捐古木街道凸凹行人畏難鑫出私囊二千餘百元修理石路數百丈逐日親身督工指導不憚煩勞每年除夕貧寒之家或錢米或衣物多受其賜子紹周為駐粵滇軍陸軍少將曾署滇陸涼縣知事所得薪俸寄作鑫甘旨之奉鑫盡作慈善之需毫不吝惜

陳陞甲國學字文吉中區坡腳人嘗為地方領袖正直不阿為人排難解紛必息而後已修理橋梁道路寺廟一切善舉良多人皆敬仰有陰德其父樂四代一堂文吉亦覩四代光緒戊戌年合街被火其屋四維均茅舍圍繞焚燒而

屋完全無恙殆其家歷代慈善之所致歟

馬關縣志

卷陸

人物志

一二

雲南德生石印局印

孝友 人物志之五

清

老 埋中區蚌卡人年十三父卒弟幼自賣身供養及長買主贅之老埋復接母侍奉並成其弟室家以體母志 府志

張運 昌貴 兄弟二人住西區大栗樹皆入庠事母克謹凡便器

必親洗滌兄弟敦友愛運昌有子五人入庠者三運貴有子四人入庠者二凡五十餘人四世同居無間言 府志

范文 光祥 兄弟秉性溫和自幼友愛並無嫌怨頻年事母克盡

孝道文祥入邑庠因母煩勞過甚雙目失明兄弟常跪榻

馬關縣志

卷陸

人物志

一三

雲南德生石印局印

前曲慰輪流滌親溺器背負入廁而文祥文沐浴割股和羹捧進終母之世昆仲亦親洽如初永無間言邑人曰惟孝友子兄弟洵足稱已自此以下採訪

伏天成本關人幼喪父家極貧母李氏年二十八守節撫孤長成天成以小本營生凡母命不敢稍違娶妻王氏性傲母性亦然遂異居焉天成同母住躬親炊爨妻若與母口角常鞭撻以慰母然念無後為大仍不失夫婦之道及生子女媿媳稍相得始合居其母晚年病癱喪明不樂媳侍奉一飲一餽及滌溺裹足均天成親為之如出一日病歿

盡哀盡禮鄉人莫不稱孝

蘇正昌德

昆仲二人兄年六十八弟年六十四自幼友恭無替雖分居三十年無怨無爭日常親愛凡居家晤對談笑歡如兒時出外閑游必約同行真難得者也

汪東禮仁

弟兄俱享壽古稀有餘自分居後無爭論相親愛應用銀錢亦無彼此之較朝與居夕與處不失友恭和樂人皆稱克盡友之道

胡廷貴本關人父朝燦母秦氏渠父在時貴恪遵父訓善事無違原室鄧氏娶十一年無出人為之惜曰是人無後非

天理也父歿奉母命娶妾生四子待母病貴侍湯藥先嘗之衣不解帶者百有餘日朝夕祈禱願以代母卒□毀骨立葬祭盡禮人以孝稱

楊昌武別格人父病篤武日夜號泣無已具香燭於大士前禱告割股奉親親疾旋瘳後二年親始卒

劉洪煜西區大栗樹人家貧窘於民國元年方二十六歲因渠母病危洪煜割股肉煎湯奉之母病即愈今母存子亡令人惋惜

趙其壽本關人年三十餘父早喪無兄弟伯叔姊妹母雙目

失明家赤貧傭工奉母十餘年如一日焉早出必先炊煮奉母晚歸亦急炊奉傭於人家母未食之物不敢嘗好食之物必留以奉母知其孝而憐之者日墜即令歸並賜食以奉母免其炊煮妻故多年不敢續娶恐分母之食致母之餒其孝行誠可嘉也

聶和廉本城人兄弟三人廿餘歲父亡母孀家貧廉居長孝友純篤勤勞艱險奔走衣食為弟完婚且供讀二弟本周入庠補廩中年家小康建屋置產母喪盡哀晚年生齒日繁不得已析居友愛益篤七十餘而終未有睚眦之嫌

耆年 人物志之六 附壽婦

清

陳瑄逢春里古木人好行陰鷲不矜其德歲貢鄉飲大賓  
明醫術活人無算不與人間是非 開化府志

郭明誠庠生西區底泥人恬靜寡言好讀書善鼓瑟以善服  
人鄉里化之足跡罕入城市里中橋梁道路多修補舉鄉  
飲介賓都督伊公昌阿嘗延入署中友之 開化府志

黃鵬北區山車小石盆人性剛直咸同之亂服務兵役奮  
往前敵不稍怯亂定歸農屢為隣里排解爭端坦白無私

馬關縣志

卷陸

人物志

一六

雲南德生石印局印

壽九十餘而終

楊安北區山車下埧子人性謙謹好善言動不苟壽近九  
旬無疾終

周崇峻蒙自縣邑庠生清被選諮議局議員性聰敏嗜學授  
學馬關木廠仁和等處詩對調聲律文章嫻駢體現年七  
旬家於仁和所遺詩對甚多散而不聚

王登魁本關人性誠篤與人忠執事敬樸素不好奢華壽九  
十五歲

龍佩雲西區大栗樹人妻羅氏老毛老至雙壽五世同堂清滇督

岑毓英給以偕頤壽字匾額九十六相繼仙逝

蔡位高中區箐口人九十六歲歿時五代同堂子五人次子  
人文庠四子入武庠俱年逾花甲

唐湘治中區唐家坡人生平力行善事設帳訓徒安平同知  
錫以年高德邵匾額歿時九十三歲

錢紹先八寨人年九旬清戊子科武舉與弟紹元同科為人  
謹慎商農為業不與地方公務

袁錦江馬主人年八旬有五入文庠辦理地方公務多年與  
人排解苦口婆心除卻訟累頗有陰隲

段正榮八寨人現年古稀有八充西區團首維持桑梓任勞  
任怨

李選仁本關人生平剛直不阿享壽九十而終室人亦八十  
有八尚不扶杖而行

陳元科字耀庭坡腳街人當儂漢相爭時自籌糧餉廣集健  
兒保障一方與黃雲樓諸大紳相往來耕讀傳家一堂四  
代子孫眾多入文武庠者三人年八旬有二而終

江太元中區馬拉沖人性忠厚有子六人孫十九人曾孫數  
十玄孫尤多五代一堂夫妻偕老七旬餘先後卒

楊崇禎禎之父中區坡腳石磻人性忠直一堂五代年百歲齒

落復生崇禎弟兄均七旬餘乃卒

周宗盛中區三角地人性極誠樸有五子皆教訓成人享四  
代同堂至八旬始卒至今人猶思念不置其為人可知也  
王鳳朝馬關縣人號桐崗精歧黃活人無算於花柳癥尤有  
秘傳壽七旬有八而終

附壽婦

王國用妻戴氏住本關氏生於清雍正三年卒於道光十餘年計期頤有五子子榮孫義方義高曾孫文龍文甲文德文翰文光玄孫學柱學書繞膝承歡五世一堂奉旨旌表

婁得明妻郭氏北區楊柳井壽近期頤子廷鶴孫昆洲曾孫

遇春元孫積善周司馬給五世一堂匾額以上府志

張殿友妻江氏本關人有淑德勤儉持家子四人孫曾亦多人壽九十六無疾而終

倪袁氏西區馬主人長子廷棟鄉誠武舉次子廷選入武庠

三子廷瑞入文庠相繼而逝氏享期頤壽終惟孫曾送單章蔡氏年九十七歲猶好誦經拜佛雖貧苦一生子孫滿室民國七年趙縣長給額曰天護慈萱民國八年秋始無疾而終

章葉氏八寨住幽閒貞靜端莊樸誠享壽九十二歲而終光夫章璈壽至古稀有二次子興謨壽至八旬三子興誠亦古稀有餘長孫輔國遊泮次孫沛國為靖邊勸學員長四世同堂一門壽考洵足稱已

郭傳雲夫妻中區灑得寨住嘉慶初年人妻任氏夫妻同庚

耕種為業性情忠直今九十有八精神康健子二孫四曾孫二四代同堂可為人瑞矣

劉王氏住本關夫志文氏生九子二女皆婚配成立兒孫繁衍享壽九十六而終

李徐氏李錦賢妻生於道光壬辰年四月十一今壽滿百歲矣有子一孫二曾孫三原□□業農移居城仍事農圃家無積蓄前數年氏常入園圃蒔種刈草現雖不能勞動而耳目聰明言語清明尚能敘述往事來日尚不可知實為僅見

節孝 人物志之七 附貞烈殉義婦女

清

唐湘蔚妻周氏客籍湖南寶慶僑寓中區獭雞箐周秀度女也嘉慶中于歸相夫十二載夫歿善事翁姑撫孤成立其子侄衆多悉皆婚配毫無間言卒年六十有四經馬太守申詳出奏入開化節孝祠致祭

秦廷賓妻唐氏賓湖南桂陽籍清道咸間為都竜銅廠廠戶氏于歸後適遭變亂家物傾覆逃歸中區唐家坡母家當流離失所之秋夫亡子幼而氏冰霜苦守經理家事針黹

馬關縣志

卷陸

人物志

二一

雲南德生石印局印

紡績克盡歸職尤能扶持伯仲子女成立家室卒年六十有三經馬太守採入開化節孝祠

張起珠妻雷氏本關雷大綿之女適別格儒生張起珠為妻至二十六歲生子世珍夫歿撫孤成名至光緒十四年氏年六十九計守節四十二年報告有司詳請旌表節孝先準建坊歿年七十有六理宜入祠致祭

唐國珍妻胡氏中區革灑胡國安女夫故氏年二十九歲生子女各一善事翁姑躬耕度日撫孤婚嫁無忝婦道卒年七十三歲經馬太守採入開化節孝祠

唐奇珍妻羅氏中區大脖子箐羅守成女于歸相夫十三載  
育二子二女皆婚配成立克全婦道經馬太守採入開化  
節孝祠

李廷吉妻茅氏北區馬固人適吉甫一月夫故氏守節不易  
撫夫兄子以為己子好慈善計守節五十年現七十餘歲  
吳學成妻朱氏北區阿車人成歿氏僅二十餘歲有女一撫  
族子吳順發為子好善不茹葷現壽六旬餘守孀卅八年  
孫國安妻李氏北區界牌係楊柳井李有宗之女國安亡故  
氏僅二十四歲家極貧有一子一女俱幼氏茹苦含辛守

馬關縣志

卷陸

人物志

二二

雲南德生石印局印

節三十年至五十五歲子女俱完配

張 春妻龍氏北區古木人春故氏二十四歲守節以侄承  
嗣撫持成名壽七十六經請旌表賜額曰教同晝荻

烈女 龐雲官妻楊氏北區古木楊發之女許與官未娶而官卒氏  
聞之即自盡殉節前廳主覃賜以貞烈可風

龐 瀛妻楊氏古木人瀛故氏二十歲無子孝姑守節壽七  
十二歲而終

王自中妻龐氏古木人清郡庠早亡遺一子氏二十一歲守  
節三十年五十五卒援旌表節孝

唐立功妻吳氏馬白人年十四適立功為妻十八功病卒遺子女各一老母在堂氏矢志靡他奉姑撫子女杜盡婦道年六十餘始卒開化府稟準旌表節孝其子名家模

女貞

扶氏花枝革人年未笄許字別格街周氏子未婚而周子卒女抱從一而終之志過門送葬孝侍周母二十餘年周母卒復歸母家侍母以終完貞全孝一鄉敬仰焉

唐升陽妻秦氏馬白人年二十五而升陽歿氏守柏舟節撫子成立

王典妻張氏古木人典亡氏方三十八歲有子撫持成名

馬關縣志

卷陸

人物志

二三

雲南德生石印局印

府尹贈以柏舟遺韻匾額壽七十八終子年

彭應明妻王氏古木人明故時氏年二十二歲有子撫持成人壽六十三計守節三十八年

王正富妻李氏三車街人富歿氏年二十一歲有姑在堂子在抱氏勤理家務奉姑撫子二十餘年無稍厭倦卒致成全子息殯葬老姑後旬日而卒

婦烈

劉武先妻張氏三車人武先陣亡氏聞之哀痛慘切服毒自盡可謂烈矣

婦烈

汪文炳妻袁氏猓者大石洞住幹木寨袁姓女年二十餘于

歸庠生文炳未生育事翁姑盡道夫故將屍殮妥後即服毒泣告翁姑死後與夫合葬鄉里稱其烈焉

劉仕儒妻楊氏西區大猷者住年二十五于歸生四女家赤貧氏耕績撫育諸女皆婚配名門夫死後柏舟誓志女中丈夫也現年六十餘

賀德明妻王氏中區憂吉人適文庠德明於同治元年明陣亡生一子四女撫孤子選□□庠女皆婚配奉姑盡道計守節三千五年七十餘而終

張榮妻陽氏本關住氏年二十九適榮生一男二女男天

長女適余昌榮生子亦天母女孤寡合為一家貧極苦守針黹度日雖曰命蹇孤嫠而潛德幽光清操足式

劉永清妻胡氏本關人十八歲歸清後遠出不知所終氏守節盡孝年六十餘而終鄉里多稱道焉

烈貞張永秀之女名招弟許鄢遇春未嫁而春歿自傷命蹇過門守節得姑歡不幸姑卒招弟自縊迨街隣驚視而其姑回陽復甦招弟卒不救其貞烈誠可嘉焉

胡紹仁妻劉氏本關住年二十五夫故苦守勤儉持家年七十餘而終

劉忠霖妻李氏霖江西籍氏于歸後生子女各一年二十  
子方六歲忠霖卒家貧苦守教子攻書成立迄今兒女俱  
各完配現年七旬有餘可謂茹蘖含冰者矣

雷正修貞女女父雷發達住埧地寨許字秦良佐地方變亂  
各奔一方後平息秦無蹤跡而強人逼嫁女即投水鄰人  
救活立志守節年八十有餘而終

伏應春妻李氏本關二十八歲春故背夫生子名天成苦守  
成立冰霜矢志年七十餘卒

劉嗣賢妻蔣氏西區臘科寨住氏中區下寨人年十八適賢

至二十四賢故家貧苦績撫一子二女子明明舉武孝廉  
二婿俱顯貴年六十四壽終

劉開統妻馬氏住西區臘科氏開城人十七歲適統年餘統  
故後生一女完配以二伯之子立嗣守孀三十四載至五  
十二歲玉潔冰清與夫合葬

烈貞

李素英西區大栗樹住幼許本街周文成及笄未字迨十七  
歲文成病故英聞知遂服毒自盡鄉人憐其烈因議合葬  
汪 岱妻賀氏縣城住幼適岱三年而岱故有子女各一自  
嘉慶壬午年守孀迄道光二十五年卒計四十餘年

康天理妻羅氏別格羅士元之女歸天理生子女各二氏無兄弟姊妹勸夫迎養生身父母以至送葬夫故後家貧困氏矢志柏舟撫育子女俱婚配縣長錫以節孝匾額享六十四壽終

曹發科妻趙氏別格趙仁壽次女二十歲于歸生子女各二至三十一歲科故矢志守節子女婚配成立享壽七十有八而終計守節四十七年眼見孫曾

李沛琪妻趙氏仁壽之四女十九歲歸琪二十三歲琪故氏即茹藥飲冰苦守孤子享壽古稀有二計守節四十九年

張 紹妻彭氏別格維章次女十九歸紹生二女至二十六

紹故家貧苦守撫女于歸現年七十計苦守四十餘年

姜朝榮妻康氏別格康正達第四女歸榮生一子一女至三十四榮故事姑養葬如禮撫子婚配成立氏家寒苦享壽六十八計守節三十四載

姜元福妻陳氏別格陳選德女有子女各一至二十八歲福故柏舟誓志苦育子女成人享壽七十有四計守節四十六載

王尚文妻康氏正綱女歸尚有子一女一至三十歲文故家

貧苦守子女婚配現年六十三歲計守節三十三年  
萬永發妻潘氏別格潘連高女二十一歲招贅永發兩月餘  
永發遠出竟未歸氏矢志靡他情甘淡泊現年七十有八  
鄉里稱其節孝馬

周思召妻尹氏蒙自尹獻圖次女適召為喜敬事翁姑以及  
喪葬並無失德相夫十餘年勤儉樸素生一子名崇峻夫  
故子甫數歲矢志冰霜備歷艱苦撫孤讀遊泮補增因蒙  
災迤逃外遂從子徙落籍於馬關之仁和數年病故經開  
化府馬詳報巡撫譚入奏請旌入祠

馬關縣志

卷陸

人物志

二七

雲南德生石印局印

節壽

周起崇妻王氏賦坡王嘉言女適崇十載僅有一子名光煜  
方四歲而崇卒氏事奉翁姑孝養無虧撫孤攻讀婚配鄉  
里以苦節稱之經馬府採訪詳請譚巡撫入奏請旌譚錫  
以柏舟濟美匾額九十八歲告終真節壽雙高也

張瑞彩妻周氏仁和周繼昆女年二十適彩九年生子女各  
二家極貧子女冲幼氏矢志撫育冰霜自勵針黹為生活  
備歷辛苦馬府詳請旌表入祠譚撫錫以節孝同清匾額  
計守節三十九年

段志士妻沈氏木廠沈尚志女適士生二女士卒撫侄為嗣

矢志清操持身莊敬鄉紳具稟馬府轉請旌表入祠  
黃興智妻牟氏中區老鶯箐住僅生一女夫歿撫姪為嗣貧  
苦紡績攻讀成人守節三十一年馬府採訪申詳入祠  
堯利德妻李氏西區大栗樹女適德惟生二女夫歿撫庶出  
子成人女亦完配相夫教子無忝婦道計守孀三十餘年  
馬郡守申詳獲入祠祀

鄧遇春妻張氏中區城子腳女生有二女夫故青年守節家  
貧苦針黹生活六十餘卒馬府採訪申詳旌表入祠

穰光明妻陳氏仁和陳朝璽女于歸後得翁姑歡心惟生三

女無子夫故即苦守終生馬太守採訪申詳旌表烈祠

鐘仕超妻穰氏仁和穰光國女適大平子仕超生一子二十

餘夫歿氏撫孤成立歷盡艱辛冰霜自誓針黹度日善事

翁姑晚年孫枝成林後裔昌達節孝雙例應請旌入祠

王正華妻劉氏中區戛迭之女歸華未及一年華即故遺腹

生子自是苦守冰霜撫子婚配現年六十有餘已見孫枝

鄉里稱賢例應旌表

周繼成妻歐陽氏中區紙廠陽姓女適成時惟姑尚在氏相  
夫事姑無忝婦道生一女夫信神丙辰之亂設壇請乩有

詩云瑤琴三弄玉絃揮風送清音入太微宴赴蟠桃仙吏  
駕上元甲子看鷹飛於甲子年冬月甲子日有鷹飛入庭  
中旋繞三匝而去夫即病歿氏矢志冰霜所積家資除善  
行用費外散諸族黨無吝色太守馬採訪申詳出奏旌表  
入祠享壽七旬有餘而終

唐繼敏妻馬氏仁和馬文華次女十六歲適敏生一女遺腹  
生一子翁姑俱存家甚貧氏盡職撫孤歷受艱苦不改節  
操現年六旬有七

余承懋妻張氏古木女適別格余姓數年夫歿矢志靡他事

翁姑終老享壽七旬有六惜余姓式微未請旌表

楊成章妻張氏大栗樹住氏阿迷籍幼失怙恃舅妗率領成  
人字成章數年章歿姑老子幼氏針黹奉姑撫子備歷艱  
辛以苦節報經趙縣長給與節孝雙高匾額以旌其節享  
壽七旬有九終

劉榮甲妻李氏大栗樹李春華女十八歲適榮甲生二女夫  
歿伯叔逼嫁氏誓死不從乃擇幼侄為嗣勤苦持家婚配  
子女迎養身母以及安葬現年七十四世一堂計守節三  
十二載

許劉氏大栗樹人二十六歲夫亡無子女苦守柏舟王潔冰清一生孤嫠壽七十六而終

婦烈

黃時安妻董氏阿峩寨之女適安為妻未一年因庚午九月流匪黃崇英亂時安執旗當先被匪槍斃昇屍回葬畢氏是夜服毒殞命可謂烈矣

趙顯文妻彭氏住木關十七歲字顯文越二年生子潘周末週歲夫歿家徒四壁繼遭變亂連年饑饉氏撫孤成立壽逾花甲而終其苦節殊可慘也

張信鹿妻郭氏本關住道光時人生一子而夫歿時年二十

馬關縣志

卷陸

人物志

三〇

雲南德生石印局印

一歲正氣撫孤閉戶紡織艱苦備嘗之死靡他計守節五十一年享壽七旬有六而終王潔冰清堪為閨闈儀型也  
張美才妻楊氏住本關夫妻數年相敬如賓生二子美才病劇難愈氏抱二子托夫兄美成入室沐浴更衣服毒出堂哭拜於夫榻前哽咽歸與夫同時殞命街隣賢之紳耆男女咸送合葬焉

女貞

周石麟妻扶氏花枝格人年十六許字石麟未于歸而夫殤氏聞訃往吊孝奉翁姑五載堅守貞節仍回母家針黹度日冰清玉潔及翁姑歿竭盡心力送葬守孝三載而回享

壽六旬有三馬太守詳請旌表入祠

陳家壽妻王氏古木廷楷之女適花枝格家壽為妻生一子甫週歲時外域匪亂壽攻勦陣亡氏苦守冰霜撫孤成立枝孫繁衍馬太守採訪節孝詳請旌表入祠

張信龍妻李氏中區城子腳住氏年二十七適信龍生一子夫歿紡織度日矢志撫孤成立備嘗艱苦享年六十三終張一賢妻周氏僅生一子夫歿矢志柏舟家道式微撫孤成立孝事老姑歷遭饑荒兵燹毫無異志耕讀教子子孫繁衍壽七十三而終

張朝榮妻朱氏中區水尾街住氏三十歲夫歿苦守四子紡績度日雖遭丙辰之亂備嘗辛苦而柏舟誓志彤管臻輝咸稱坤維正氣享年七旬有七子孫繁衍耕讀傳家鄉里奉為閩則計守節四十五年而終

烈貞女張氏本關人自幼許字鄢遇春未嫁而春故氏過門守節事姑盡孝姑病危氏服毒與姑同死鄉里詳請旌表節孝雙全

焦一富妻陳氏古林箐人幼失怙恃富父憐之納為媳翁去世姑妒待氏刻苦夫婦相處二十餘年僅有二女夫歿氏

矢志柏舟三十餘年事姑送葬無有怨言年六十餘而終  
彭廖氏幼適彭文質生一女甫二歲姑夫相繼去世時年二  
十七歲撫守孤女七歲天亡氏隻身守節家貧如洗針黹  
度日光緒九年馬太守詳請旌表入祠

歐陽周氏周用九之女歐陽師孔之妻生二子連城連璧夫  
病故氏年二十七歲撫二子奉翁姑終天為長子連城娶  
周氏舉二男名兆麟兆鳳次子連璧娶劉氏未幾連城夫  
婦棄世遺兆麟兆鳳無依又未幾連璧長逝妻劉氏年二  
十五歲苦無後甘心守節奉姑嫜撫兩侄其姑遂將兆鳳

與劉氏為子於是媿媳勤紡苦織均已完娶培植兆麟入  
郡庠兆鳳中武舉人皆曰此天所以報周氏之節操劉氏  
之節孝也岑公毓英到八寨褒楊南代冰霜給與霜筠輝  
映匾額縣曰一堂濟美柏舟節千古同高荻晝風迨兆麟  
入京會試京官表奏旌獎批准行文地方官立案遵例送  
入節孝祠永享春秋致祭

劉天恩妻夏氏事翁姑盡婦職青年守孀教子成立提學使  
李給以節孝楊芬匾額享年九十三歲而終

劉歐氏自適劉門勤儉持家中年尤好操作晚年興家立業

尚屬康健撫部院譚錫以護草長榮匾額壽八十二而終  
歐張氏適歐鍾喜奉姑至孝生一子鍾喜即故氏堅守苦節  
撫子完婚光緒二十年羅廳主奉譚撫令採訪詳報遵例  
入祠以重旌表享年七十二而終

歐陽劉氏歐陽復孔之妻生一女不幸夫故氏年二十六歲  
苦守孤女出閣羅廳主詳撫入祠享祀壽七十而終

康張氏仁和張有之女康天柱之妻二十三生一子二十五  
天柱身故氏矢志靡他苦守孤子針黹度日送子攻書完  
娶壽享七旬無疾而終鄉紳稟請縣長景給以節孝匾額

烈貞

樂張氏西區底泥街人光緒末年生十四歲許字岩蜂硯樂

輔元尚未于歸輔元天亡氏聞痛哭投河被人援救畀回  
是夜仍懸梁自盡紳耆念其貞烈送柩與輔元合葬

吳顧氏西區八寨人奉翁姑盡婦職夫歿撫二子成立光緒  
間舉報節孝準入祠配享苦守四十餘年至七十二歲終  
鄒戴氏北區阿車寨夫歿時氏方二十四歲有子二家貧氏  
撫子完婚八十壽終計守節五十餘年

尹學源妻王氏西區 寨住事奉翁姑克盡婦職相夫入庠  
夫故撫育三子成立長子盛德民國肇造為大隊長援川

至銅仁縣陣亡次子全德上尉連長三子立德中學畢業  
氏守節三十年堅貞自矢不渝其志

施永清妻王氏住仁和生於道光壬寅年二十八孀居奉翁  
姑極孝撫子成立七十餘壽終計守節四十餘年

施大成妻熊氏馬白熊學文之次女適仁和施大成甫二年  
成故十八歲守孀並無子 奉姑人稱孝敬歿年五十餘  
計守節三十餘載

施天章妻劉氏生於同治庚午年適仁和太章生一女章故  
氏矢志守貞迄今三十餘載矣

唐廸城妻施氏中區憂迭寨清光緒戊寅年生氏適城甫四  
年而城故無子女守孀奉姑不渝其志

陸□代妻儂氏中區蚌卡寨清咸豐代服兵役從征西山陣  
亡時氏僅十八歲矢志守節卒年八旬有餘

陳會春妻曾氏中區木廠街自幼許春未嫁春病亡氏請命  
於父母過門送葬矢志守貞至六十餘歲而終

陳傳金妻婁氏木廠住適金後生一子夫歿氏年二十矢志  
守節為人溫靜壽八旬而終

蕭 彬妻張氏西區賦科人夫故氏年十九歲只一女矢志

柏舟撫女出閣壽享期頤而終

楊學藻妻吳氏古木楊景漢孫婦年十五歸學藻生二子藻  
歿氏年十九矢志守節撫二子成立壽逾古稀

烈貞

楊天堦妻聞氏女鳳姐二妹清乾隆間天堦任烏蒙守備氏  
隨夫到任烏蒙盧酋變天堦力戰死氏謂二女曰我命婦  
義不可辱汝姊妹宜為自脫計二女泣曰父已死兄亦不  
知存亡何以生為整衣修容對縊於寢室死母痛哭之乃  
自刎事聞上賜卹賞加贈恭人

烈婦

段楊氏西區八寨人夫死無子氏從容殯殮殉康熙五十八

馬關縣志

卷陸

人物志

三五

雲南德生石印局印

年知府吳文炎詳請入祠

蕭德良妻謝氏良西區人氏其髮妻也二十六歲夫故養繼  
姑撫二子成名計二十六歲守節至道光六年故壽七旬  
李楊氏李國祥之妻八寨人氏二十二歲夫故立志守孀撫  
三女七十餘歲精神尚強趙縣長賜節孝雙高匾旌獎之  
羅向氏八寨人二十餘歲守孀奉佛誦經壽九十歲行步尚  
不扶杖趙縣長賜匾旌獎之

張春相妻段氏本關人二十六歲守孀子二女一撫持婚嫁  
上事姑嫜四十年無倦壽八十有二而終

歐陽張氏本關人歐科甲妻二十九歲守孀有女一家貧甚  
矢志不二壽七十六而終

婦孝

張盛貴妻聞氏仁和聞宗亮之女適貴為妻家貧父病思肉  
食氏引刀割左膀股肉烹湯奉之父病遂愈雖傷痕甚鉅  
氏無痛苦呻吟之態

女孝

陳蓮貞大栗樹人生於光緒戊寅年甫六歲聞葷腥即吐隨  
母奉侍民國元年母病割股救之

金元有妻張氏生於四川八歲隨伯父逃難至關十八歲適  
元有生三女一子夫故氏未滿歲柏舟矢志撫孤成立八

馬關縣志

卷陸

人物志

三六

雲南德生石印局印

十餘歲壽終四世一堂計守節五十有餘年

劉霸五妻王氏古林箐王美才之女生一子一女夫歿時氏  
年二十三歲事姑至孝撫子女完配終姑之世苦守冰霜  
三十餘載

趙永福妻郭氏年二十六歲夫故有三子四女氏矢志柏舟  
苦守冰霜家貧頻年紡織教讀婚配長子開甲前清歲貢  
次開第開科英資俊爽享壽八旬有六四世一堂

蕭馬氏西區舍波蕭學林之妻林病故時氏年十九歲無嗣  
心同松柏志凜冰霜苦守節操現年六旬有餘

龍王氏古木王廷試之林適馬閔龍光祿生子名一品年二十九歲夫故苦守柏舟享壽八十有一光緒十九年請旌準入開化節孝祠賜額曰柏節松年 二

龍趙氏馬關趙顯才之女年十九適龍一仕為妻半年仕故氏矢志苦守孝姑終老針黹度日既而撫侄為嗣光緒十九年請旌準入開化節孝祠享壽七旬有一地方官給以金玉堅持匾額

楊學清妻趙氏舊志陽景漢之孫婦年二十九夫故事姑孝撫四子俱成立卒年六十一歲守節三十一年

歐江氏花枝格人生於道光甲午年良人歿時氏年二十四歲守節四十四年壽終四代一堂

鄧蕭氏生於道光乙巳年庚午夫故氏年二十五歲冰守五十二年花枝格人

黃李氏花枝格人生於道光甲午夫早故青年守孀至八十餘歲終子孫統膝四代一堂

左大忠妻劉氏生於同治甲子年十八歲于縣左氏二十五歲夫歿家窶貧以針指為生活靜默莊嚴撫孤子善教訓三十六歲積勞辛里人恆稱道之其子進思今已建勲戎

行馳舉鄉閭有左劉氏傳錄在藝文志

義節

盧鴻甲妻王氏住八寨十八歲于歸盧氏善事姑嫜夫婦情篤無子息二十六歲鴻甲病故氏於夜間服毒殞命鄉里欽其節義殯葬之日男婦老少執紼者頗多

義節

蔡國紀妻湯氏八寨人氏極賢淑夫妻和好無子女國紀病故氏年三十哭泣終日夜間沐浴從容服毒盡義

王當朝妻唐氏本關人氏適朝生三子豐盛永盛德盛德盛始數月而朝卒氏尚有姑在堂家亦甚貧仿姑風節矢志柏舟孝事姑至八十壽終率子盡禮送葬撫三子均成五

馬關縣志

卷陸

人物志

三八

雲南德生石印局印

曾經馬太守奏請表氏節孝入祠至七十五歲歿此姑媳同貞人皆稱道者也

郭熊氏中區大汛坡人氏適郭數年生孿家無斗筲自食其力夫故苦守孿生一名趕年五歲卒一名正忠四歲瞽氏傭工度日撫子又逢變亂歲荒野有餓殍氏購穀舂米負四五十里至鄉街出售氏與子食糠度命艱難萬狀子正忠已長親族借資去開學星命學成回數年完娶家小有正忠為請旌表氏年七十餘終

□成何氏古木人適正紀為妻夫婦敦睦氏方廿餘歲夫卒家

貧壁立氏矢志柏舟撫子天培天倫俱成立天培有膽畧  
丙辰之亂培廣集健兒保障一方光大門閭誥授武功將  
軍安平廳陸溪橋贈一聯云草澤起雄才曾經手挽紅羊  
劫楓廷邀懋賞幸耀頭銜彩鳳書孫心一採芹補廩科歲  
貢曾孫助義被選縣議會議長子孫繁盛桂馥芬非彼蒼  
報氏之苦節歟

王廷遴妻吳氏西區猥者吳姓女適北區土司城王氏生二  
子一女廷遴為村甲領袖時地方變亂遴死於賊氏方廿

餘歲長應中五歲女三歲遺腹次子用中遴死後家屋被

賊席捲一空氏於歷亂中葬失撫子備歷艱險矢志靡他  
卒能教子成名興家中完婚娶次子用中業乙酉科鄉試  
武舉孫文欽入邑庠氏七十二歲而卒

李董氏本關李新盛妻盛死氏方二十二歲有二子未離襁  
褓不幸相繼殤氏矢志不二苦守冰霜夫弟成章以長子  
朝佐為之嗣氏持家撫子井井有條未幾家漸小康朝佐  
亦成名為一街領袖光緒二十九年安平訓導報呈提學  
使奏請旌奉旨旌表節孝準入祠建坊年七十而卒

朱焜斗妻謝氏十八歲適斗夫婦甚相得氏知從德上奉翁

姑下和妯娌不事粧飾朱亦大家氏亦敬老慈幼皆令其歡欣治家勤儉善待賓客內外無間言育二子均三歲而殤民國六年八月夫病奉湯藥不倦見病不能起矢志殉節及夫卒氏痛哭殮畢入房服毒易服伏棺哭泣漸不成聲始悟服毒殉夫也後與夫並舉而合葬馬氏

周光耿妻蔡氏住白石岩氏適耿九年至二十七歲而耿卒上有老母下有二子長□歲次方彌月矢志柏舟事姑撫子成立興家安上全下計守節三十餘年無疵可言人皆稱道之

忠烈人物志之八

清

盧學臣馬白街人咸豐初年補馬白汛兵額以隨營從征屢建功勞歷保至守備駐防天生礮乙未年帶兵攻進樂竜毘盧寺駐兵於內旋被賊截斷糧路殺馬而食與賊戰三晝夜勢不支衝鋒陣亡於寺側屍骸竟未得歸

周之珍古木街練頭同治元年於仁和白石岩陣亡

劉正南拉人咸豐年援開化陣亡

唐升榮本關人同治年間於中區岔河陣亡

馬關縣志

卷陸

四一

雲南德生石印局印

鄧國璋本關人與唐升榮同時岔河陣亡

張國順咸豐壬戌年陣亡於松毛寨

趙潘貴本關人入武庠授職把總奉調救援西山陣亡曾送入開化昭忠祠配享

李貓四李輔邦之弟陣亡於新寨本關人

李萬邦陣亡於梅子箐本關人

高在山

莊品

李正邦

王永為

葉萬

蕭老六以上六人均住本關於同治年間同時陣亡於埧尾  
江國仁阿黑寨住於咸豐壬戌年於別格救援陣亡

蕭康發花枝格人咸豐丙辰年陣亡於四方井

黃時安花枝格人於同治庚午年陣亡於小馬白

李長春馬關人道光丙辰年陣亡於梅子箐

民國

尹盛德字勳臣八寨人雲南講武學校畢業宣統三年總督

馬關縣志

卷陸

人物志

四二

雲南德生石印局印

李委充騎兵排長辛亥改革攻破軍械糧餉等局有功蔡  
都督提升第一大隊長援黔蕩平狼岱平彝賊匪委充東  
遊支隊長兼巡按部一等副官適哥老會叛踞銅人縣奉  
令征勦力戰數日賊衆披靡不意於五月初九日出戰手  
刃數賊竟中槍彈而亡肅清後該縣父老感戴刊碑紀念  
唐督軍令搬柩回滇葬於五華山頂厚以卹金追贈上校  
諡忠烈表揚後世

秦洪恩中區下寨人護國出川於城都按戰被流彈中傷陣  
亡時充營長唐督軍追贈中校令發柩回鄉安葬

李天佑南區水碓房人中尉排長民國七年四月廣東化州之役臨陣負傷數月因傷殞命

唐根讓唐家坡人民國六年援川充中尉排長納溪之役負傷回鄉傷發卒

黃業錦南區都竜人民國四年從護國軍援粵至皈朝者桑與敵戰陣亡時充上尉連長

王富衡本關人民國十二年充教練隨軍赴黔建立功勞由中尉排長代理連長於貴陽積勞斃命

仕宦 人物志之九

清

呂國舉中區木廠街人廣東府經歷

聶本周字西平本關人任廣西興隆縣知事

民國

李朝紀字書元本關人歷任通海阿迷廣南昆明晉甯等縣知事性情廉有治才所任之縣口碑載道

李選廷字左青歷任廣南縣蒙自道雲南民政廳性寬厚多惠政人民愛戴

馬關縣志

卷陸

人物志

四四

雲南德生石印局印

王紹周古木人任陸涼縣知事

趙樞軒任廣南禁煙檢查員

樂成川任皈朝釐金總辦

軍佐各職

盧鴻才二等編修兼一等軍醫存記縣知事

王正倫三等軍法正存記縣知事

王富臣一等編修存記縣佐

唐根培三等軍需正

左進思字鶴莊署四川資中縣糖稅局長征收局長

樂世澤一等編修

李芳春一等編修

清武職

袁致和協鎮銜署開化鎮守備繼任大理提標左營遊擊誥

封振威將軍

成天培古木人字雨亭欽加協鎮銜儘先補用叅將誥封振

威將軍賞戴紅頂花翎

袁用和協鎮銜署廣南中營守備

蔡申協鎮銜署開化中軍守備誥封振武將軍

馬關縣志

卷陸

人物志

四五

雲南德生石印局印

熊學文字餘慶叅將銜署馬關中軍守備

李麒麟字玉書遊擊銜署馬關中軍守備

李相邦歷任馬塘樂竜等汛

鍾大德任大石牙汛

楊開泰任江那六詔大窩子埧灑等汛

李家祺任麻栗坡皎址城等汛

袁漢珍副將銜實授開化千總

章興誠任大窩子汛

賀得齡把總任山車汛

楊錦繡任大窩子汛

王秉壽道光年間補授開化鎮標中營遊擊

黃義德道光年間署開化後營遊擊

黃占鰲咸豐初年任漕營千總

王耀署石榴紅都司

民國 武職

陸軍上將

蔣光亮八寨人雲南講武學校畢業任駐粵滇軍第三軍軍長字信之

馬關縣志

卷陸

人物志

四六

雲南德生石印局印

李選廷字左青馬白人雲南講武學校畢業任靖國滇軍第

五軍軍長滇西鎮守使

陸軍中將

王秉鈞字紹衡膩坡人雲南講武學校畢業任駐粵滇軍第

三師師長授將軍將軍

王汝為字翊臣戛吉人雲南講武學校畢業任駐粵滇軍第

四師師長授將軍府參軍

陸軍少將

王紹周古木人雲南講武學校

八旅旅長

左進思字鶴莊馬白人雲南開廣邊軍隨營學校畢業任駐  
粵滇軍第七旅旅長

李荷生馬白人雲南講武學校畢業任雲南陸軍第四旅旅  
長

陸軍上校

尹盛德八寨人雲南講武學校畢業任雲南陸軍大隊長陣  
亡贈上校諡忠烈

常繼周字心一雲南開廣邊軍隨營學校畢業任雲南第八

支隊長

賀達才字篤生馬白人雲南講武學校畢業任滇西鎮守使  
署上校參軍

王汝才字導源曼吉人雲南講武學校畢業任滇軍步七團  
上校團長陣亡

周東魯字雅言仁和人雲南講武學校畢業任雲南諮議廳  
上校諮議官

張永昌字濟雍仁和人雲南講武學校畢業任步七團上校  
團附長

羅廷彥字湘丞大栗樹人任駐粵滇軍團長

王世珍字麗才馬灑人雲南講武學校畢業任駐粵滇軍第十六團團長

陸軍中校

王正鰲字濟滄賦坡人雲南講武學校畢業任雲南護國軍營長

譚開榮字炳南古木人雲南講武學校畢業任雲南步七團營長

劉祚新字邦甯馬白人行伍出身任廣東濟軍中校營長

王華堂馬灑人雲南講武學校畢業任護國軍砲兵營長

王學義白菓人行伍出身任雲南陸軍步兵團附長

陸軍少校

秦洪恩下寨人雲南講武學校畢業任護國軍連長陣亡

呂運洪木廠人雲南講武學校畢業任護國軍少校副官

楊洪勳古木人行伍出身任留鄂第一師少校營副

王正德賦坡人雲南講武學校畢業任緝私營管帶

李家祐字裕如馬白人行伍任緝私營管帶

陳濟武字乃文大栗樹人雲南講武學校畢業任駐粵滇軍

第四師營長

樊成純字白珩馬白人雲南講武學校畢業任駐粵滇軍第八旅營長

王繼成字旭之馬白人雲南講武學校畢業任駐粵滇軍第七旅營長

趙桐軒馬白人雲南省中學畢業任滇西鎮守署少校參軍  
楊茂春馬白人雲南講武學校畢業任駐粵滇軍第七旅營長

聶得良馬白人講武學校畢業現任第三軍砲兵營長

唐興邦唐家坡人雲南講武學校畢業任駐粵滇軍少校參謀

彭光鼎古木人雲南講武學校畢業任雲南陸軍步兵營長

選舉 人物志之十

清文選

拔貢

張開文

道光乙酉年

周光煦

宣統乙酉年

歲貢

許文郡

道光

高拱辰

咸豐

盧廷佐

同治

成心一

以下光緒

王思治

趙紀瑞

駱懷忠

盧紹基

李桐

馬關縣志

卷陸

人物志

五十

雲南德生石印局印

高繼先

盧光前

劉青雲

文庠

蔡興東

唐文光

李先茂

周開甲

余知言

黃鶴齡

余知非

周崇山

李開陽

盧學海

盧紹臬

王恩洪

賀茂林

王圭

黃鶴書

李炳文

盧廷珍

盧廷標

王秉福

余承惠

余承懋

康正陽

駱懷明

謝建才

龍高義

陽微

穰得忠

李朝佐

江東海

孫朝相

黃得中

朱亮采

黃得和

朱耀采

周耀南

周繼康

戴元章

龍德成

周光鼎

朱煥采

周澍南

王應庚

王應文 張世珍 賀得名 謝選卿 唐根琳 賀選卿

常慶雲 盧紹書 王作孚 陳再義 周安仁 李梅卿

盧紹熊 盧紹能 唐鎮南 劉耀和 王汝智 王富臣

李世清 周錦堂 謝建侯 謝建猷 李世榮 楊泰

趙潘和 范文祥 汪秉禮 李開祥 李思忠 王定甲

樂得馨 劉榮甲 劉煥然 王德修 王興仁 王丹山

李凌陽 劉鏡泉 周光燾 盧克寬 盧克忠 王應槐

段智 龍開元 王朝珍 呂國舉 王瑞臣 楊懷璽

呂國瑞 謝建賢 周裕昌 唐根海 劉炳炎 甘國臣

周光熙

以上中區住

蕭文清 韓賓王 旃玫 李自英 楊口章 夏先

夏當陽 李發榮 牛汝霖 任國棟 任國英 魏鍾俊

倪廷選 袁紹和 王如驥 刀得昌 常可仁 蕭學敏

姚成章 蕭有志 汪文炳 錢思章 李家澤 楊有恩

倪廷瑞 張興謨 劉繩武 楊中喜 楊炳德 尹學源

章雋英 季芳 趙永壽 牛克昌 歐兆麟 廖應朝

歐兆熊 袁漢甲 陳紹義 盧一林 袁漢英 汪汝開

鄧學施 姚含章 袁漢興 楊嘉銘 袁錦江 謝克忠

吳裔昌 蓋王弼 陳春榮 楊宗國 周朝彥 陳文波

陳元昌 陳元英 王如鶴 蓋王錫 李開盛 楊文才

楊茂澤 王岐山 盧一品 陳有志

以上四區住

王琦 陳忠義 陳朝選 陳暄 陳曙 劉廷吉

陳雲鳳 陳益謙 陳承科 張金鑑 孟文光 王正倫

楊紹霖 楊鶴齡 龐先 王洪 龐嘉元 蔡榮宗

李文元 李輔仁 張為楹 王文欽 王文舉 陳廷輝

譚上炎 譚嘉玉 譚在朝 郭樹本

以上北區住

清武選

武舉

黃占鰲 章興誠 楊秉乾 歐兆鳳 劉開明 袁用和

王用中 王鳳儀 劉開勳 王鳳朝 錢紹先 王鳳書

倪廷棟 錢紹元 郭樹槐 孫國榮 何紹雲 祝國清

袁明和 胡光華

武庠

鍾士能 劉炳勳 王鳳章 鍾明高 戴正富 彭有元  
郭尚光 楊紹元 鍾明選 郭輔廷 王正清 王鳳來  
任登廷 楊洪勳 王鳳朝 王東平 王萬選 李發榮  
陳安邦 李炳榮 李雲 姚應松 周安邦  
國民民選

衆議院候補議員

盧一品 字東南八寨人民國七年被補

雲南省議會議員

李朝紀 字書元住馬關縣城第一屆被選民國二年

馬關縣志

卷陸

人物志

五三

雲南德生石印局印

李家佑 字裕如住縣城第二屆被選民國七年

王正倫 字敬五住古木第三屆被選民國九年

王富臣 字芳谷住縣城第四屆被選民國十三年

畢業人物志之十一

清

日本鐵道大學畢業

周光煦

光緒三十年出國三十四年歸國

王正倫

雲南法政學堂畢業

劉作文

雲南農業學校畢業

彭光榮

仝上

唐根培

省會蠶桑傳習所卒業

譚開榮

雲南陸軍測繪學堂畢業

馬關縣志

卷陸

人物志

五四

雲南德生石印局印

盧紹基

雲南簡易師範畢業

龐錦堂

同上

民國

任文漢

北京孔教大學畢業

孫鼎新

同上

周東魯

雲南軍官法政畢業

任學海

北京商科大學畢業

李治民

日本明治大學畢業

李登羲

仝上

蕭寶琦 省立第一師範卒業

張金澤 同上

任文清 同上

李洪恩 同上

呂德冀 同上

聶海清 雲南道路工程學校卒業

胡代明 同上

朱光祖 省立第一中學畢業

向鎮弼 同上

馬關縣志

卷陸

人物志

五五

雲南德生石印局印

向鎮清 同上

朱天壽 同上

盧洪開 同上

李松生 同上

任文興 同上

錢思寅 同上

錢炳光 同上

李治國 同上

聶正熙 同上

楊輔道 同上

趙桐軒 同上

李治唐 成德中學畢業

王貴和 同上

陳瑞祥 同上

潘朝俊 同上